



PROXECTO ACADEMIA 2009-2010

Academia é un proxecto europeo anual de mobilidade dirixido aos profesionais da orientación profesional, encadrado dentro do Programa Leonardo da Vinci. Está organizado polo Ministerio de Educación, a través do Centro Nacional de Recursos para a Orientación Profesional (CNROP), en colaboración coas comunidades autónomas.

Prazas. Na presente edición a Comunidade Autónoma de Galicia ten asignadas tres prazas, distribuídas nos seguintes países: Estonia, Francia e Reino Unido. O idioma necesario será o inglés para Estonia e o Reino Unido, e o francés ou o inglés para Francia. Seleccionarase unha persoa participante e outra candidata de reserva para cada país.

Duración. A duración dos intercambios é dunha semana (cinco días lectivos), no período comprendido entre o 1 de febreiro e o 31 de maio de 2010.

Financiamento. A contribución financeira é dun máximo de 1000 euros para cubrir os gastos derivados (transporte, aloxamento e manutención), que será aboada logo de finalizado o proxecto. Excepcionalmente, poderase pagar ata 1500 euros cando así se requira polo destino (viaxe e aloxamento) e se documente debidamente.

Pódese obter máis información na páxina de internet <http://www.academia-europe.eu>, onde se especifican os programas e as estadías.

PROCEDEMENTO DE SELECCIÓN DE PERSOAS CANDIDATAS

1. CRITERIOS XERAIS DE PARTICIPACIÓN

Deberanse reunir as seguintes condicións (requisitos):

Estar en servizo activo e ser preferentemente funcionario de carreira.

Ser orientador, profesor de FOL ou membro do departamento de orientación, preferiblemente nos centros integrados de formación profesional, en centros onde se imparta formación profesional ou en centros de secundaria, ou ser psicólogo ou pedagogo nos equipos específicos de orientación.

Demostrar coñecementos do idioma de traballo (inglés ou francés, para o caso de Francia) cun nivel avanzado.

Ter formación e experiencia relacionadas coa orientación.

Manexar as TIC. É obrigatorio ter e usar a cotío correo electrónico particular, xa que toda a comunicación do programa se realizará exclusivamente a través deste medio.

Daráselle prioridade a quen non participara anteriormente no proxecto *Academia*, sempre que reúnan as condicións anteriores.

As persoas participantes deberán relacionar os países que se ofrecen por orde de preferencia, así como o programa elixido para o intercambio.

Como todo proxecto europeo, *Academia* xera unha ampla e complexa documentación, tanto en formato impreso como en formato electrónico, de obriga formalización por todos os beneficiarios.

Os beneficiarios teñen que usar a cotío o seu correo electrónico porque é o medio para contactar co país de acollemento en Europa, coa axencia Leonardo e co CNROP-MEC. Calquera comunicación de academia chegará por este medio con aviso de recibo.

2. COMPROMISO DAS PERSOAS PARTICIPANTES

Os participantes comprometeranse a:

Estar en permanente contacto co seu coordinador autonómico e co responsable de *Academia* no país de destino por medio do correo electrónico.

Preparar axeitadamente a estadía no país correspondente e ter a punto, dentro dos prazos establecidos toda a documentación necesaria para o bo desenvolvemento do programa.

Participar nos encontros organizados polo Ministerio de Educación, e a Consellería de Educación e Ordenación Universitaria, para comunicar as experiencias adquiridas (derradeira semana de maio ou primeira de xuño).

Elaborar unha memoria sobre o programa desenvolvido.

Contestar o cuestionario de recollida de información sobre as actuacións deseñadas tras a participación no programa, que se enviará durante os dous anos seguintes á participación no programa.

Cumprir os requisitos que solicitan o Ministerio de Educación e a OAPE (División Sectorial Leonardo da Vinci): contrato, xustificación do gasto, avaliación en liña Leopass, informe da estadía, etc.

3. PROCESO DE SELECCIÓN

A selección das candidaturas realizarase tendo en conta os criterios xerais de participación sinalados no punto 1 deste documento (ver apartado de baremo).

4. PRAZO DE PRESENTACIÓN DE SOLICITUDES

As solicitudes, xunto coa documentación acreditativa dos méritos alegados, presentaranse no Rexistro Xeral da Xunta de Galicia en Santiago de Compostela, **ata o día 28 de outubro do 2009**, dirixidas a:

Consellería de Educación e Ordenación Universitaria.

Dirección Xeral de Educación, Formación Profesional e Innovación Educativa.

Subdirección Xeral de Orientación Profesional e Relación con Empresas.

Edificio Administrativo San Caetano.

15781 Santiago de Compostela (A Coruña).

En caso de presentar as solicitudes noutro rexistro, deberase comunicar por correo electrónico a:

orientacion.profesional@edu.xunta.es

Para calquera dúbida, contactar con :

Emilia E. Lamelas Fariña.

Asesora de Orientación Profesional.

Teléfono: 981 546 543